

ECTS bodova. Dostavljene su prateće odluke o usvajanju istih, te ugovori o realizaciji dijela nastave kod drugih institucija. Prethodno je utvrđeno da međunarodna škola ima prostorne uvjete u skladu sa Pedagoškim standardima i normativima za obavljanje djelatnosti visokog obrazovanja na području Unsko-sanskog kantona za realizaciju studijskih programa navedenih u dispozitivu ovog Rješenja. Dakle, ispunjeni su uvjeti propisani članom 26. stav c).

Broj i struktura nastavnog kadra je u skladu sa nastavnim planom i programom, vrstom studijskog programa, te je u skladu sa optimalnim prosječnim opterećenjem u pogledu broja sati predavanja i vježbi. Angažirani nastavnici su uključeni u izvođenje nastave u skladu sa odgovarajućim nastavno-naučnim zvanjem, a izbori u zvanje su u skladu sa važećim propisima. Na osnovu navedenog, ispunjeni su uvjeti propisani članom 26. stav (1) Zakona o visokom obrazovanju. Za potreban broj nastavnika ugovori o radu su sklopljeni u skladu sa članom 84. stav (4) Zakona o visokom obrazovanju.

Dostavljen je dokaz (ugovor), kojim se osigurava uvjet iz člana 26. stav (2) Zakona o visokom obrazovanju, nastavak i dovršenje studija studentima u slučaju prestanka rada visokoškolske ustanove i dokaz osiguranja sredstava (bankarska garancija).

Kao dokaz ispunjavanja navedenih uvjeta potrebnih za usvajanje Statuta dostavljen je tekst Statuta, te odluke o donošenju i izmjenama i dopunama i mišljenja Upravnog odbora o istom. Na osnovu očitovanja Ureda za zakonodavstvo Vlade Unsko-sanskog kantona broj:21-38-5649-2/17. od 25.5.2017.godine, a na osnovu traženja ovog Ministarstva, utvrđeno je da je Statut Visoke međunarodne škole, Cazin u skladu sa članom 11. Zakona o visokom obrazovanju tačka j) donesen od nadležnog tijela imenovane visokoškolske ustanove, te da nije potrebna saglasnost Skupštine Unsko-sanskog kantona na isti.

S obzirom da je u trenutku upravnog nadzora međunarodna škola, Cazin realizirala studijske programe: Agromenadžment, Menadžment javne administracije, Socijalni rad, Specijalna edukacija i rehabilitacija i Sigurnost, koji su Odlukom Senata Visoke međunarodne škole Cazin zamrznuti do daljnjeg, ostaje obaveza Visoke Međunarodne škole Cazin da studentima navedenih studijskih programa omogući završetak studija u skladu sa zakonskim propisima.

S obzirom da je Ministarstvo nadležno za praćenje stanja u oblasti visokog obrazovanja, potrebno je da imenovana visokoškolska ustanova dostavi prije početka svake akademske godine, a prije raspisivanja konkursa za upis studenata, saglasnost Ministarstva za upisnu kvotu po odobrenim studijskim programima.

Kako bi se osigurali potrebni materijalni uvjeti u slučaju prestanka izvođenja određenog studijskog programa ili prestanka rada visokoškolske ustanove, potrebno je da Visoka međunarodna škola, Cazin, prije upisa studenata za svaku akademsku godinu dostavi Ministarstvu plativu garanciju.

Na osnovu iznesenih činjenica doneseno je Rješenje kao u dispozitivu.

Pouka o pravnom lijeku: Ovo Rješenje je konačno u upravnom postupku i protiv istog se ne može izjaviti žalba, ali se može pokrenuti upravni spor tužbom kod Kantonalnog suda u Bihaću u roku od 30 dana od dana prijema ovog Rješenja.

Obrađivač akta:
Nedara Raić



MINISTAR :

mr.sc. Muhamed Ramić

Dostaviti:

- 1) Visoka međunarodna škola Cazin
Mala Lisa bb, Cazin
- 2) a/a